

Menaza for di Merca cu atake terorista contra pais Aruba

ORANJESTAD (AAN) Informacionnan cu redaccion di DIARIO a haya ayera tabata muestra cu e caso di e mucha muher mericano perdi yama Natalee a yega na un punto inaceptable.

For di Merca un carta di menaza a worde manda pa Aruba relaciona cu e caso di Natalee.

Den e carta cu ta den man di autoridadnan competente, tin menazanan serio menciona contra pais Aruba y contra pueblo di Aruba.

Ta trata di informacionnan encunto actonan terorista cu tin planea contra Aruba unda ta worde menaza di venena awa di Aruba, cuminda cu ta bin for di Merca y mas y tur esaki relaciona cu e caso Natalee unda nan ta existi pa Aruba entrega back na Merca un Natalee bibo!

For di e prome dia cu e caso di Natalee a cuminsa, pueblo di Aruba en general a muestra su comprension pa cu e famia, pueblo a asisti masalmente den buskedanan grandi cu a worde organiza y por menciona un lista hopi largo di tur sorto di instancia cu a contribui den e buskeda pa haya Natalee.

Hopi placa y esfuerzo a worde hinca den e caso Natalee y ainda hopi placa y esfuerzo ta sigui worde hinca den e caso pa logra solucion esaki, pero awe pueblo di Aruba ta haya e baño di awa

frieu historico unda pueblo ta haya di tende di un menaza di actonan terorista contra pais Aruba y su pueblo.

E carta di menaza ta e producto negativo di e forma di actua y proceder di cierto medionan di comunicacion di Merca cu a haci nada otro cu difama pueblo di Aruba y tur loke Aruba ta encera.

For di momento cu cierto canalnan di television a cuminsa cuestiona polis, gobierno y tur loke tin di haci cu e caso di Natalee na Aruba, nan mes a percura pa na Merca un ambiente anti Aruba a worde hinca den mente di hopi hende.

Un di e personanan cu sigur tabata esun principal of esun cu mayoria hende ta conciente cu ta e tabata esun cu mas tabata actua contra pais Aruba cu su forma di atende cu e caso Natalee riba

pantaya di television tabata señora Desgracia.

Señora Desgracia tabata te hasta cuestiona un compania di aviacion Mericano cu a anuncia siman pasa cu nan lo cuminsa cu vuelonan nobo pa Aruba y manera cu e tabata haya cualkier oportunidad chiquito cu por a presenta su mes of cu e mes lo tabata crea, e tabata haci todo posibel pa pone Aruba den un luz negativo.

Cualquier idiota cu a wak e forma di actua di señora Desgracia riba pantaya di television por a saca su som cu señora Desgracia tabata instiga riba pantaya di television contra tur loke tabata encera Aruba

Awe pueblo di Aruba ta haya e danki pa su cooperacion y su comprension grandi pa cu e caso Natalee; menaza di

atakenan terorista for di Merca contra un pueblo cu no tin ni arte ni parti den desaparicion di un mucha muher Mericano perdi.

Tristo ta cu net for di un pais cu no mucho tempo pasa nan a sufri tragicamente di atakenan cobarde di teroristanan, awor ta for di nan mesun suelo menazanan di atakenan di terorista ta worde lansa contra pueblo di Aruba.

Si gobierno di Aruba no lanta for di soño y cuminsa ranca na e bel di emergencia cerca gobierno Hulandes pa para e asuntunan aki anto ta kende lo por salba pueblo di Aruba?

Gobierno Mericano mester worde poni na altura di e menazanan aki di atakenan terorista contra pueblo di Aruba y tambe e momento a yega cu gobierno Hulandes

mester mustra gobierno Mericano riba consecuencianan di e fenomeno di campaña negativo contra Aruba via cierto medionan di comunicacion na Merca.

Esaki ta e danki cu pueblo di Aruba ta haya pa su contribucion y sacrificionan grandi haci den e caso pa logra haya Natalee?

Danki Dios cu e mayoria di pueblo Mericano ta hendenan cu mente sano y positivo y no ta participa den actonan cuestionable y inaceptable asina, pero e solo hecho cu instigacion di parti di cierto supuesto periodistanan na Merca contra pais Aruba a genera te hasta menaza di terrorismo contra pueblo di Aruba, ta algo cu cada ken na Aruba mester sinta refleha riba dje y saca su mesun conclusion.

NO TA NOS TA SUFRI TOCH!!



Las Americas

(Near Burger King)
Playa (Caya Grandi)
Tel: 582-1576



Hopi Tas antes
Afl. 45/40/35/30,=
Awor tur Afl. 15,=